



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1143. Usque Ad Annum 1176

**Fleury, Claude**

**August. Vind. [u.a.], 1762**

**VD18 90118014**

§. 7. Octaviani obitus. Guido Cremensis Antipapa.

---

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII. A. C. 1164. qua in regno polleret auctoritate, ab-  
 usus facultatibus suis spoliasset. Aulici  
 vero, Thomæ æmuli, murmurabant,  
 quod ingratiſſimus existeret, tot bene-  
 ficiis a Rege cumulatus. Quin etiam  
 Adversarii maledicentiæ veneno vir-  
 tutes Præsulis & morum conversionem  
 inficere conabantur. Amor Justitiæ  
 crudelitas, & studium Ecclesiasticæ Liber-  
 tatis avaritia dicebatur. Superbiam  
 putabant, quod Sæculi honores con-  
 temneret, & solius Dei voluntati ad-  
 hære se simularet, temeritatis vero  
 incusabant, quod Sedi suæ majora, quam  
 Antecessores ejus, privilegia tribuere  
 auderet. Quidquid dicebat, agebatve,  
 in malam partem invidi trahebant.  
 Tandemque persuaserunt Regi, actum  
 esse de ipsius potestate, si Archiepiscopi  
 auctoritatem in dies crescere sineret, &  
 nisi Reipublicæ consulere, nullum am-  
 plius in Anglia Regem futurum esse,  
 quam talem, quem Clerici elegissent,  
 & tamdiu solummodo regnaturum,  
 quamdiu Archiepiscopo placeret.

## §. VII.

*Octaviani Obitus. Guido Cremensis  
 Antipapa.*

*Collect.  
 Lupi.  
 I. ep. 7.*

Inter hæc Octavianum Antipapam,  
 Lucæ ex morbo decumbentem mors  
 abstulit, circa festum Paschæ, die Mer-  
 curii

curii post Octavam, vigesima secunda  
 Aprilis anno millesimo centesimo sexa-  
 gesimo quarto, quem cum Canonici  
 Cathedrales, & ad S. Frigidianum in Ec-  
 clesiis suis sepelire recusarent, dicentes,  
 se potius ex Ecclesiis suis migraturos esse,  
 quam passuros, ut corpus hominis, sua  
 opinione æternis flammis addicti, in iis  
 sepeliretur, in quodam Monasterio extra  
 civitatem terræ mandatus est. Nihil-  
 ominus vero Schismatici in vulgus spar-  
 serunt, multa miracula ad ejus tumulum  
 patrari. Octavianus nomen Papæ annis  
 quatuor & dimidio gesserat. Oratorii  
 seu Capellæ ipsius supellex & equi ad  
 Imperatorem missi sunt, quippe præterea  
 nihil habebat. Duo tantum supererant  
 Cardinales ex illis quatuor, qui ejus  
 partes amplexi fuerant, nempe Joanes  
 S. Martini & Guido Cremensis. Hi  
 pertimescebant, ne, si Alexandrum Pa-  
 pam agnoscerent, ipse eos recipere nollet,  
 aut ab eo pari severitate haberentur,  
 qua olim Innocentius II. in Cardinales  
 Petri Leonis usus fuerat. Quare con-  
 vocatis ex Italia Germanique Schis-  
 maticis, qui ad exequias Octaviani du-  
 cendas advenerant, Cardinalem Guido-  
 nem Cremensem Papam elegerunt, &  
 Paschalem III. appellarunt, missisque il-  
 lico ad Imperatorem, tunc in Germania  
 commorantem, nunciis, hanc electio-

Sæcul. XII.

A.C. 1164.

*Act. Alexan-  
dri. ap. Ba-  
ron.**Otto de saint  
Blaise. c. 18.**Gofr. an.  
1164.**Otto Mo-  
rena. p. 840.*

Hh 4

nem

Sæcul. XII. nem confirmari petierunt. Fecit ille,  
 A.C. 1164. quod optabant, dextraque super Evan-  
 gelium imposita juravit, se semper Pascha-  
 lem ejusque Successores pro legitimis  
 Pontificibus, Alexandrum vero ejusque  
 Sectatores pro Schismaticis habiturum  
 esse. Ad simile deinde jusjurandum om-  
 nes, quotquot potuit, Clericos eden-  
 dum compulit. Paschalis ab Henrico  
 Episcopo Leodiensi, die Dominica, vi-  
 gesima sexta Aprilis, ordinatus, Papæ  
 nomen annis tribus usurpavit. Verum  
 Alexander Papæ mortem Octaviani, cujus  
 animam æternum periisse credebatur,  
 amare deflevit, & quosdam Cardinales,  
 eo sublato, gaudentes corripuit.

*Act. ap.  
 Baron.*

Romæ Julio Cardinale, Episcopo  
 Prænestino, Alexandri Papæ Vicario,  
 fatis functo, Joannes Cardinalis Pres-  
 byter tituli SS. Joannis & Pauli subrogatus  
 est. Is suo hortatu majorem Romani  
 populi partem, magna pecuniæ vi, quam  
 Alexandro semper addicti contulerunt,  
 in multos sparsa, ad legitimum Ponti-  
 ficem reduxit. Pronum etiam est credere,  
 faciliores redditos fuisse Schismaticos,  
 Octaviano Antipapæ mortuo, & post-  
 quam Imperatoris auctoritas in Italia  
 vilescere cœpit, nam cum prima die  
 Octobris hujus anni millesimi centesimi  
 sexagesimi quarti ex Italia abiisset Fride-  
 ricus, Veneti initis fœderibus omnes  
 pœnæ

pœne Longobardiæ urbes ad arma  
 capienda commoverunt. Romani igi-  
 tur, addito jurejurando, promiserunt,  
 se Alexandrum Papam veneraturos,  
 alium Senatum ex viris Alexandro  
 faventibus constituerunt, Ecclesiam  
 S. Petri & Comitatum Sabinensem, quem  
 Schismatici armis Imperatoris occupa-  
 verant, in potestatem Vicarii Apostolici  
 redegerunt. Itaque, Urbe pœne tota  
 in partes Alexandri pertracta, Cardi-  
 nalis Vicarius, Clericis Laicisque Papæ  
 præ ceteris devotis ad Ecclesiam S. Joan-  
 nis in Laterano convocatis, Alexandrum  
 revocare statuit, Lagatosque, qui id  
 nunciarent, in Franciam misit. Papa  
 postquam hac de re cum Episcopis &  
 Cardinalibus, qui Senonibus apud ipsum  
 erant, deliberasset, licet multa præ-  
 videret obstacula, nihilominus Regibus  
 Franciæ & Angliæ, atque illius Regionis  
 Episcopis id suadentibus, Cardinali Vi-  
 cario rescripsit, se certo venturum,  
 statimque, quæ ad iter faciendum erant  
 necessaria, parare cœpit. In his ad-  
 junctis Archiepiscopus Rotomagensis  
 epistolam suam ad Episcopos & Abbates  
 provinciæ suæ dedisse creditur, in qua  
 hortatur, ut Summo Pontifici subsidia  
 darent, quibus familiam suam susten-  
 taret, cum jam spes esset, fore, ut  
 Romæ restitueretur, & extingueretur

Sæcul. XII.  
 A.C. 1164.

God. an.  
 1164.

ap. Petr.  
 Bles.  
 ep. 173.

H h 5

Schisma.

Sæcul. XII. Schisma. Conjicere licet, hunc Archi-  
 A. C. 1164. episcopum fuisse Hugonem, qui hoc  
 anno millesimo centesimo sexagesimo  
 quarto, in Festo S. Martini, undecima  
 die Novembris obiit, postquam Episco-  
 patum annis ferme triginta quinque  
 tenuisset. Ejus Successor fuit Rotru-  
 vius, prius Episcopus Ebroicensis, qui  
 Rotomagi annis novemdecim sedit.

Gall. Chron.  
 to p.  
 Sup. Lib.  
 LXX.

## §. VIII.

*Concilium Northamptonense.*

vita quad-  
 rip. 1. c. 25.

Rex Angliæ, contra Thomam Archi-  
 episcopum Cantuariensem acrius  
 commotus, eum præstituta die Nort-  
 hamptoni præsto esse jubet, quo etiam  
 omnes Antistites & Proceres Regni, edito  
 mandato, convocavit. Omnibus con-  
 venientibus Thomas Archiepiscopus ac-  
 cusatur, quod semel antea a Rege vo-  
 catus, ipse non venisset; & quamvis  
 probaret, quod virum idoneum, qui  
 pro se responderet, misisset, prolata ta-  
 men est Sententia; omnia Archiepiscopi  
 mobilia exinde Fisco Regio esse addicta.  
 Præsul, percepto hoc Decreto, *rem us-  
 que in banc diem, inquit, inauditam!*  
*nec enim unquam aliquis Archiepiscopo-  
 rum Cantuariensium quacunque in causa  
 in judicio Curie Regis Angliæ stetit,  
 quod tam ejus Ecclesie quam etiam ipsius  
 personalis dignitas vetat, quia & Regis*